

## 第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿  
妙覺-普光明殿



## 六. 等覺 - 普光明殿

本體	佛	十定品(缺文)
	法	十明品
	僧	十忍品
力用	佛	心王菩薩問阿僧祇品
	法	壽命品
	僧	菩薩住處品



# 華嚴經十忍品之一

諸佛皆說 十種忍		爾時，普賢菩薩摩訶薩復告諸菩薩言：佛子！菩薩摩訶薩成就十種忍，能得一切無礙忍地，又得一切諸佛無盡無礙之法；何等為十？所謂：隨順音聲忍、順忍、無生法忍、如幻忍、如焰忍、如夢忍、如響忍、如電忍、如化忍、如虛空忍。佛子！是為菩薩摩訶薩十種忍；過去諸佛已說、未來諸佛當說、現在諸佛今說。（諸佛說者，依佛而立故）
佛	音聲忍	佛子！何等為菩薩摩訶薩隨順音聲忍？若聞真實法不驚、不怖、不畏，信解受持，愛樂順入，修習安住。佛子！是為菩薩摩訶薩第一隨順音聲忍。
法	順忍	佛子！何等為菩薩摩訶薩順忍？佛子！此菩薩隨順寂靜，觀一切法平等，正念不違諸法，隨順深入一切諸法，清淨直心分別諸法。修平等觀，深入具足。佛子！是為菩薩摩訶薩第二順忍。
僧	無生法忍	佛子！何等為菩薩摩訶薩無生法忍？佛子！此菩薩不見有法生，不見有法滅。何以故？若不生則不滅；若不滅則無盡；若無盡則離垢；若離垢則無壞；若無壞則不動；若不動則寂滅地；若寂滅地則離欲；若離欲則無所行；若無所行則是大願；若是大願則住莊嚴。佛子！是為菩薩摩訶薩第三無生法忍。
精進波羅蜜	佛	佛子！何等為菩薩摩訶薩如幻忍？佛子！此菩薩深入諸法皆悉如幻，觀緣起法；於一法中解眾多法，眾多法中解了一法。菩薩摩訶薩於彼諸法分別諸剎；入眾生界、法界；等觀世間；等觀佛出入不二，入出生、住持，
	法	譬若如幻，非象兵、馬兵、車兵、步兵；非男，非女；非童男、童女；非樹，非葉，非華，非果；非地、水、火、風；非晝，非夜；非半月、一月；非年歲，非百年；非月，非日；非劫數；非定，非亂；非一，非異；非純，非雜；非好，非惡；非多，非小；非量，非無量；非麤，非細。種種眾非幻，幻非種種眾；但以幻故，示眾色像。
	如幻忍	菩薩摩訶薩亦復如是，觀一切世間皆悉如幻，所謂：業世間、煩惱世間、佛剎世間、法世間、三世世間、流轉世間、成世間、壞世間、行世間。菩薩摩訶薩觀察一切世間悉如幻時，不起眾生，不壞眾生；不起諸剎，不壞諸剎；不起諸法，不壞諸法；不取過去虛妄相，不作當來；不轉當來、現在，不住亦無所著；不觀察菩提，不虛妄取菩提；不取佛興世，亦無佛涅槃；不住大願；不取清淨離生平等，無出無著。
	成就	出生嚴淨佛剎，決定知真法；出生眾生界，分別知眾生；決定知法界，住正法不動。等入三世，而亦不違分別三世。出生陰入，除滅所依；度脫眾生，等觀法界，無有差別。知一切法非文字、非言說，而亦不捨諸深妙辯。不著化眾生而轉法輪，為眾生故，受持大悲，度脫一切；說過去因緣，實知諸法，而無所至。佛子！是為菩薩摩訶薩第四如幻忍。
禪定	如焰忍	佛子！何等為菩薩摩訶薩如焰忍？佛子！此菩薩覺悟一切世間皆悉如焰，如熱時焰，無有方處。菩薩摩訶薩決定了知一切諸法亦無方處：非內，非外；非有，非無；非常，非斷。觀一切法皆悉真實假名施設，非一色，非種種色；非無色地，具足證知一切諸法。佛子！是為菩薩摩訶薩第五如焰忍。
般若波羅蜜	如夢忍	佛子！何等為菩薩摩訶薩如夢忍？佛子！此菩薩解一切世間皆悉如夢。譬如夢，非世間，非離世間；非欲界，非色界，非無色界；非生，非死；非淨，非穢；非清，非濁，而有示現。如是菩薩摩訶薩覺悟一切世間皆悉如夢，不壞夢，不著夢，夢性寂滅，夢無自性；受持一切法皆悉如夢，不壞夢，不虛妄取夢，覺悟一切世間皆悉如夢。佛子！是為菩薩摩訶薩第六如夢忍。

## 華嚴經十忍品之二

方便波羅蜜	如響忍	佛	佛子！何等為菩薩摩訶薩如響忍？佛子！此菩薩出生諸法，善學成就，究竟聖法，得到彼岸。知一切法皆悉如響；分別眾聲猶如呼響，而無所至。
		法	菩薩摩訶薩解如來音不從內出，不從外出，不從內外出；彼聞音者不在內，不在外，亦不在內外，而能出生巧方便智，了聲如響，悉從緣起，亦不壞法施。深入音聲，遠離顛倒，善學一切。如帝釋后於一音中出千妙音，而亦不取虛妄音聲。
		僧	菩薩摩訶薩亦復如是，入離虛妄法界，出生巧妙方便音聲於無量無邊世界，廣為眾生轉淨法輪，度脫一切。受持如來廣長舌相，出生無量無障礙音，充滿十方一切世界，普令眾生悉得開解，發起善根，而音聲無轉，不可言說；知音聲非語言，而隨順語言，亦不染著種種音聲，覺悟了知一切音聲。
			佛子！是為菩薩摩訶薩第七如響忍。
願波羅蜜（境界自在）	如電忍	本體	佛子！何等為菩薩摩訶薩如電忍？佛子！此菩薩不生世間，不死世間；不內世間，不外世間；不行世間，非不行世間；不壞世間，非不壞世間；不起世間趣，不離世間趣；不等世間，非不等世間；非世間，非離世間；不行菩薩行，而不捨大願；非實，非虛。所行真實，究竟一切如來正法，能辦一切世間諸事，亦不隨順世間流轉，亦不受持正法流轉。
		力用	譬如電，或日、或月、山、樹、男、女、室宅、牆壁、大地、流水等皆悉能照，令明淨故。譬水、油、身、寶珠、明鏡，如是等一切清淨色，悉能照明一切淨界。電不離明淨，明淨不離電，電能遠照，而電非遠近。菩薩摩訶薩亦復如是，能照彼我一切境界，而其智慧不作分別，照現彼我一切境界。
		和合	如種子中無有根、芽、莖、節、枝、葉，而能為因。菩薩摩訶薩亦復如是，於不二法中分別二相，修無礙際。
		成就	佛子！是為菩薩摩訶薩第八如電忍。若菩薩摩訶薩成就此忍，雖不往詣諸如來所，而悉普現一切佛刹，不起此世界，不至一切世界。菩薩現身遍一切世界，如電光現，遊行無礙，普至十方，金剛諸山堅固之物所不能障；具足成就佛家清淨身、口、意業，得無量清淨一切色身。
力波羅蜜（智自在）	如化忍	佛波羅蜜	佛子！何等為菩薩摩訶薩第九如化忍？佛子！此菩薩知一切世間皆悉如化，所謂：一切眾生業化，一切眾生行化，一切虛妄化，一切苦樂顛倒化，一切妄取化，一切世間無實法化，一切語言道化，一切煩惱化，諸想所起故；調伏眾生化，離垢清淨故；三世不退轉化，無生平等故；菩薩願化，長養菩薩行故；如來大悲化，除滅眾生一切苦故；法輪方便智化，出生無量無畏智辯故。（十種一切世間如化）
		法波羅蜜	佛子！是為菩薩摩訶薩解知世間、離世間化，決定知廣大、知無量、無際等；知如如，具足成就無量自在；於真實中而不傾動，悉見一切無有真實而不壞所行。
			譬如化，不從心起，不住心中生；不由業起，亦不受報；非世間生，非世間滅；非法所攝，非法所觸；非是久住，非須臾住；非世間行，非離世間；非遊諸方，非諸方所攝；非量，非無量；非厭，非無厭；非休息，非無休息；非凡，非聖；非淨，非穢；非生，非死；非愚，非智；非見，非失；不依世間，非法界所攝；非點慧，非愚蒙；非熾然，非寂滅；非生死，非涅槃；非有，非無。

# 華嚴經十忍品之三

力波羅蜜（智自在）	如化忍	僧波羅蜜	如是菩薩摩訶薩處於世間行菩薩行，受持方便，觀察世間皆悉如化；不著世間，亦不著化；不妄取世間，亦不取化；不住世間，不滅世間；不住正法，不隨非法。而不捨教化眾生，一向正念，具足諸願。不莊嚴諸法，亦復不壞諸莊嚴法；於一切法悉無所有，悉能具足一切佛法，譬如化非有，非無。
			菩薩摩訶薩亦復如是，安住如化忍中，悉能具足諸佛菩提，饒益眾生。佛子！是為菩薩摩訶薩第九如化忍。
		於一切佛刹無所依著凡有所作悉同於化	佛子！若菩薩摩訶薩成就此忍，於一切佛刹無所依著。譬如化，於一切世界無所依著，於一切佛法不虛妄行；譬如化，行無所行，離諸顛倒；譬如化，非身，示現一切身；譬如化，不依色，示現一切色；譬如化，不著實際，平等滿足自性無性；譬如化，非解脫法，悉能示現一切法處；譬如化，無處所性，亦非調伏，亦非清淨；譬如化，離一切神力，往詣一切諸如來所；譬如化，不可退轉，不生、不滅，悉離罣礙，一切諸力、金剛諸山所不能障。
智波羅蜜（法界自在）	如空忍（十波羅蜜本體）	涅槃十波羅蜜（虛空忍智）	佛子！何等為菩薩摩訶薩第十如虛空忍？
		佛	佛子！此菩薩解一切法界猶如虛空，以無性故；
		法	譬如虛空，一切世界亦復如是，解一切佛刹無所起故；
		僧	譬如虛空，一切諸法亦復如是，解無二法故；
		精進	譬如虛空，一切眾生行亦復如是，解行無所行故；
		禪定	譬如虛空，一切佛法亦復如是，解無分別故；
		般若	譬如虛空，一切佛力亦復如是，解無異故；
		方便	譬如虛空，一切諸禪亦復如是，解三世故；
		願	譬如虛空，一切說法亦復如是，解不可說故；
		力	譬如虛空，一切佛身亦復如是，解無礙故；
		智	譬如虛空，遍一切處，解一切法如虛空故。
	菩薩十波羅蜜（如虛空三業）	總說	佛子！如是菩薩摩訶薩解一切法悉如虛空，得虛空等忍智，得虛空等身、得虛空等身業；得虛空等口、得虛空等口業；得虛空等心、得虛空等心業。（得如虛空身語意業）
		佛	譬如虛空，不生、不死，菩薩摩訶薩亦復如是，一切法身不生、不死；
		法	譬如虛空，不可破壞，菩薩摩訶薩亦復如是，智慧諸力不可破壞；
		僧	譬如虛空，一切世間之所依止而無所依，菩薩摩訶薩亦復如是，一切諸法之所依止而無所依；
		精進	譬如虛空，不生、不滅，悉為一切生滅所依，菩薩摩訶薩亦復如是，非向、非成，令一切眾生皆悉清淨；
		禪定	譬如虛空，非方、非非方，而能示現諸海分際，菩薩摩訶薩亦復如是，非業、非業報，而能演說一切生死大海分際；
		般若	譬如虛空，非行、非住，而能示現種種威儀，菩薩摩訶薩亦復如是，非行、非住，而能分別一切諸行；
		方便	譬如虛空，非色、非無色，而能示現百千諸色，菩薩摩訶薩亦復如是，非世間色、非離世間色，而能示現一切諸色；
		願	譬如虛空，非久住、非須臾住，菩薩摩訶薩亦復如是，非久趣向、非須臾趣向，能廣演說一切菩薩之所住行；

## 華嚴經十忍品之四

智波羅蜜（法界自在）	如空忍（十波羅蜜本體）	波羅蜜（如虛空三業）	力	譬如虛空，非淨、非穢，菩薩摩訶薩亦復如是，非世間障覆，亦非清淨；
			智	譬如虛空，一切世間皆謂現前，實非現前，菩薩摩訶薩亦復如是，一切諸法現菩薩前，而於菩薩無所現前；
			無普有入邊諸際法	譬如虛空，住一切處，而虛空無分齊，菩薩摩訶薩亦復如是，住一切法，而菩薩心無有分齊。 何以故？菩薩摩訶薩思惟自己善根猶如虛空：善根清淨、善根具足、善根平等、善根一分、善根寂滅、善根一味、善根一量、善根清淨如虛空色，善根趣一切道、不忘一切法、得一切不壞法、遊行一切剎、具足一切身，而於諸身悉無所著；普於十方，永離癡惑，具足成就不可壞力，滿足一切功德境界；得一切種法，得深樂法，得虛空等金剛善根；出生一切諸妙音聲；一切世間常轉法輪，未曾失時。佛子！是為菩薩摩訶薩第十如虛空忍。
	如空忍（十波羅蜜身）	涅槃十波羅蜜身	根本智	若菩薩摩訶薩成就此忍，得無來身，以無去故；
				得不生身，以不滅故；
				得不聚身，以無散壞故；
		菩薩波羅蜜身	精進	具足不實身，以無真實故；
			禪定	得一相身，以無相故；
			般若	得無量身，以佛力無量故；
			方便	得平等身，以如相故；
			願	得不壞身，以等觀三世故；
			力	得至一切處身，以淨眼普照無障礙故；
			智	得離欲際身，以一切法無合散故；
			佛	得虛空際功德藏，以無盡故；
			法	得無窮盡平等法辯，以一切法性如虛空一性故；
			僧	得無量無礙微妙音聲，以無礙如虛空故；
			精進	得清淨具足一切菩薩行巧妙方便，以一切法無礙清淨如虛空故；
			禪定	得一切佛法海，以不可斷如虛空故；
			般若	得受持一切佛剎，以無量如虛空離貪欲故；
			方便	得一切法示現自在，未曾休息，以堅固如虛空故；
			願	得不可壞堅固法身，以如虛空能持一切世間故；
			力	具足成就不可沮壞金剛諸根，以示現一切世間成敗故；
			智	得具足力，能持一切世間，以受持智慧如虛空故。
		佛子！是為菩薩摩訶薩十種忍。		
	說偈結會			爾時，普賢菩薩欲重宣此義，為諸菩薩以偈頌曰：（百十九偈結會）
	佛十波羅蜜	音響忍	佛	譬如世有人，聞有寶藏處，聞已大歡喜，寶藏可得故。
法			如是大智慧，菩薩真佛子，佛深寂滅法，聞已大歡喜。	
僧			聞彼深法已，其心不恐怖，亦不生驚畏，不退亦不沒。	
精進			菩薩向菩提，聞此寂滅音，堪忍寂滅法，於彼不生疑。	
禪定			我作一切智，天人尊導師，以聞甚深法，其心堪忍故。	
般若			彼聞寂滅音，踊躍大歡喜，一心樂專求，一切諸佛法。	

# 華嚴經十忍品之五

佛波羅蜜	音響忍	方便	修習調伏心，正直求菩提，長養諸善根，而不壞法性。
		願	堪忍寂滅法，隨順彼音聲，修習菩薩行，安住音聲忍。
		力	轉求勝妙道，出生諸善法，精進不退轉，究竟成菩提。
		智	聞此妙音聲，菩提心清淨，得勇健善根，令諸佛歡喜。
法十波羅蜜	順忍	佛	譬如功德人，獲大珍寶藏，隨順身所宜，造諸莊嚴具。
		法	慧者亦如是，聞此深法義，增廣智慧海，隨順求諸法。
		僧	決定隨順法，分別無所有，隨順於真如，得彼真實法。
		精進	得淨自在心，明徹大歡喜，解了一切法，悉從眾緣起。
		禪定	修習平等法，分別性非性，不壞佛法藏，正覺一切法。
		般若	正直心堅固，莊嚴淨菩提，不動如須彌，一向求佛道。
		方便	修習深三昧，精進不懈怠，無量劫修行，未曾有退失。
		願	最勝甚深海，究竟到彼岸，盡諸法原底，遠離眾恐怖。
僧十波羅蜜	無生法忍	力	等心觀諸法，如無等所說，成就隨順忍，平等智滿足。
		智	具足順忍門，順佛之所說，隨順真實智，不分別法相。
		佛	三十三天中，彼諸天子等，共一寶器食，所食各不同。
		法	諸天種種食，不從十方來，隨彼所修業，自然食在器。
		僧	菩薩亦如是，觀察一切法，悉從因緣起，不生亦不滅。
		精進	若法不生滅，是法不可盡，了達其成敗，清淨不可壞。
		禪定	實際不可壞，悉寂滅如如，金剛願饒益，具佛無礙智。
		般若	專念寂滅法，其心未曾離，隨順世間行，長養大悲願。
精進十波羅蜜	如幻忍	方便	具足諸願力，不著於世間，成就甚深智，隨順廣說法。
		願	是名無生忍，解諸法無盡，了達悉如如，法界無所起。
		力	菩薩住此忍，一切十方界，現在無量佛，皆悉授彼記。
		智	樂觀寂滅法，出生諸善根，一念達三世，調伏淨眾生。
		佛	觀察諸世間，解了悉如幻，寂滅無所有，於彼無染著。
		法	諸色從心造，示現猶如幻，虛空非真實，一切有如幻。
		僧	譬如工幻師，四衢現眾像，眾生見歡喜，而實無所有。
		精進	世間亦如是，一切皆如幻，有無等諸法，了知悉虛妄。
		禪定	度脫一切眾，解了悉如幻，善能平等知，眾生幻無異。
		般若	眾生諸佛刹，三世一切法，無量諸世間，悉了義如幻。
		方便	譬如工幻師，示現種種形，男女象馬牛，園林華果等。
		願	幻無所染著，亦無有住處，幻法無真實，所現悉虛妄。
		力	佛子亦如是，觀察諸世間，有無一切法，了達悉如幻。
		智	眾生諸佛刹，種種業所造，覺悟如幻際，於彼無所著。

# 華嚴經十忍品之六

禪定十波羅蜜	如焰忍	佛	菩薩摩訶薩，常樂寂靜法，深入真實地，究竟住法界。
		法	隨順向正法，最勝法化生，善解一切想，纏網群生類。
		僧	想如熱時焰，令眾生顛倒，菩薩善知想，能離一切倒。
		精進	世間各別異，形類悉不同，佛子善明達，了相非真相。
		禪定	十方諸群生，悉為想網覆，菩薩慧眼淨，善見世間想。
		般若	世間猶如焰，妄想取世間，能斷世間想，則離三種倒。
		方便	譬如熱時焰，眾生於遠見，妄想謂為水，其實非真水。
		願	眾生亦如是，虛妄取世間，想如熱時焰，無礙心境界。
		力	分別一切想，成就無礙智，想縛群生類，勇健能解脫。
		智	遠離放逸慢，除滅世間想，究竟盡無盡，無盡者方便。
般若十波羅蜜	如夢忍	佛	彼能解世間，一切法如夢，夢性無方處，世間亦如是。
		法	解法離虛妄，寂滅心無異，明了世間行，三世皆如夢。
		僧	夢非生死法，非有亦非無，三有悉如夢，寂滅心無縛。
		精進	解世如夢性，不依於世間，觀世間寂滅，不染著諸趣。
		禪定	明見一切世，不起虛妄倒，善解法如夢，逮得如夢忍。
			眾生於夢見，種種諸異相，悉知從心造，而實無所有。
		般若	智月如是見，眾生皆如夢，曉了如夢已，離一切虛妄。
			菩薩方便解，一切法如夢，夢性無真實，非一亦非異。
		方便	眾生一切法，佛刹諸行業，菩薩悉明了，一切皆如夢。
			隨一切垢淨，悉能如實知，解知世如夢，不取虛妄相。
		願	菩薩所行行，一切諸妙願，明解悉如夢，於彼無所著。
			決定解諸法，及一切世間，菩薩能善知，其性皆如夢。
		力	世間生滅法，眾生去來相，解了淨如夢，其性無忘失。
			隨順如夢行，亦不壞世間，了達諸威儀，如修短無實。
		智	是名如夢忍，解了一切法，成就無礙智，度脫一切眾。
方便十波羅蜜	如響忍	佛	菩薩摩訶薩，廣行無量行，出生於一切，正覺平等法。
			種種諸方便，解法真實相，諸法無去來，於彼心無著。
		法	一切眾生類，無量諸音聲，菩薩深覺悟，了之悉如響。
		僧	菩薩知音聲，非是內外法，諦了諸音聲，一切皆如響。
		精進	一切諸音聲，皆是虛妄，菩薩知非實，於彼無所著。
		禪定	菩薩悉觀見，十方一切佛，又聞彼如來，梵音演說法。
			彼諸大導師，廣說修多羅，菩薩聞法音，其心無所著。
			所聞聲如響，悉無所從來，分別一切音，善解無壞法。
		般若	分別諸音聲，善解一切法，解聲非是聲，出無量淨音。
		方便	觀察一切法，皆悉離音聲，種種語言際，悉能善了知。
			菩薩於眾生，了之悉如響，如是能深解，一切諸眾生。



# 華嚴經十忍品之七

方便十波羅蜜	如響忍	願	菩薩善隨順，明達語言道，解了一切世，種種諸音聲。
		力	了知音聲性，常樂寂靜地，明解諸世間，一切悉如響。
			猶如語言道，宣明種種法，眾生樂染著，虛妄之音聲。
			如彼音聲相，世間亦如是，眾生相亦然，真佛子明覺。
		智	如此真實相，明智之忍力，令音淨微妙，解世皆寂滅。
			彼於三世中，了達語言道，不取虛妄聲，其心無所著。
願十波羅蜜	如電忍	佛	寂靜定意為世間，一向專求佛菩提，未曾虛妄取世間，心常欣樂寂滅法。
		法	觀察世間無有餘，皆悉寂滅無自性，專求菩提為眾生，具足智力大慈悲。
		僧	不受一切世間生，亦不解脫於世間，一切世間無所依，亦復不離依世間。
		精進	解知眾生諸法性，於彼法性不染著，於諸眾生無所依，清淨解脫而無縛。
		禪定	於一切趣知實性，世間生死流轉法，菩薩解法無有二，於不二法無所著。
		般若	其心不住諸世間，又亦不離於世間，所行不在世間外，了知諸法真實相。
		方便	譬如水中電光色，彼色非內亦非外，菩薩饒益眾生故，演說世間無真實。
		願	眾生無縛無解脫，一切世間不可說，世間非內亦非外，如彼水中電光像。
		力	如是清淨離垢心，隨順甚深微妙行，具足智慧法燈明，成滿諸願不退轉。
		智	智慧成就不可量，常能饒益一切眾，安立眾生無畏法，除滅一切諸障礙。
力十波羅蜜	如化忍	佛	修習甚深法，饒益一切眾，此忍增妙智，具足菩薩行。
		法	深入寂滅法，諦了悉如化，示現無量行，而實無所行。
		僧	勝地修菩提，隨順如化行，如化常寂滅，菩薩行亦然。
		精進	了知眾生類，及無量行業，平等悉如化，解脫亦如是。
		禪定	明解三世佛，一切悉如化，無量本行願，化成諸導師。
		般若	大慈悲彌廣，化眾生清淨，清淨即是化，化力持應現。
		方便	世間悉虛妄，菩薩解如化，化性諸世間，種種業莊嚴。
		願	變化藏嚴飾，究竟菩薩行，隨世諸行業，種種難無量。
		力	化是虛妄法，出生化虛妄，菩薩所行法，皆悉離虛妄。
智十波羅蜜	如空忍	智	化智海決定，化印印世間，化非生滅法，智慧亦如是。
		佛	第十忍明觀，清淨如虛空，虛空眾生法，等觀無別異。
		法	智滿如虛空，除滅諸障礙，虛空性無雜，世間亦如是。
		僧	成就空忍力，如空不可盡，境界如虛空，不取虛妄相。
		精進	虛空無自性，虛空不可斷，虛空無種種，智力亦如是。
		禪定	譬如虛空性，無有初中後，虛空無異性，智慧亦如是。
		般若	如是正觀法，皆悉如虛空，無生亦無滅，平等觀諸法。
		方便	安住虛空法，廣為十方說，虛空方便忍，調伏一切魔。
		願	虛空無自性，世間亦如是，有性無性法，平等如虛空。
		力	一方便莊嚴，觀世間虛空，悉知三世法，猶如虛空性。
		智	菩薩智慧身，音聲如虛空，身性亦虛空，安住虛空智，

## 華嚴經十忍品之八

本體十忍成就	本體	佛	是名十種忍，佛子具足行。心安住忍力，廣為十方說，
		法	真佛子善學，超成智慧力。法力定智力，隨順修菩提，
		僧	深入此忍門，成就無礙智，調伏一切惡，轉無上法輪。
	力用	佛	安住無量法，一切莫能知，調御師智海，菩薩盡原底，
		法	謙下行菩提，得此深法忍。妙法清淨意，悉滿一切願，
		僧	一切眾生類，諸佛刹微塵，悉可算其數，菩薩德難知。
結會		若有真佛子，成此十種忍，一切諸眾生，無能知境界。	